

醫統正脈全書

六八



南京中醫藥大學圖書館版權所有

醫法

明學



醫學發明方目錄

吳茱萸丸

利膈丸

消痞丸

黃耆補中湯

本草十劑

傷元活血湯

乳香神應散

全當歸導滯散

紫金丹

聖靈丹

調中順氣丸

沉香導氣丸

木香順氣丸

沉香交泰丸

加減瀉白散

神祕湯

三奇湯

補中益氣湯

硃砂安神丸

用藥加減法

人參益肺散

通氣防風湯

草薢薊丸

白朮附子湯

丁香練實丸

天台烏藥散

茴香練實丸

川練子散

托裏榮衛湯

沉香海金沙丸

續隨子丸

海金沙散

木香撮氣丸

廣茂潰堅湯



導滯通經湯

赤茯苓丸

薑附湯

沉香桂附丸

十全大補湯

中滿分消丸

中滿分消湯

霍香安胃散

加減二陳湯

人參平肺散

參蘇溫肺湯

滋腎丸

清肺飲子

還少丹

補益腎肝丸

水芝丸

地黃丸

三才封髓丹

離珠丹

天真丹

八味丸

通幽湯

潤腸湯

當歸拈痛湯

羌活導滯湯

開結導飲丸

除溼丹

除風湯

枳實大黃湯

小續命湯

疎風湯

三化湯

大羌活愈風湯

大秦朮湯

半夏溫肺湯

丁香半夏丸



紫蘇飲子

脾寒

巴戟丸

腎虛

雙和散

補血氣

附子溫中丸

溫青

五邪相干

醫學發明目錄終



醫學發明卷一

江陰朱氏校刊本

元 丹溪朱震亨著

膈咽不通并四時換氣用藥法

黃帝鍼經云胃病者腹臞脹胃脘當心而痛上支兩脇
膈咽不通食飲不下取三里夫咽者嚥物之門戶也
膈者上焦胃中心肺之分野不通者升降之氣上不
得交叉又云清氣在下則生殮泄泄黃如糜米穀不化
者是也濁氣在上則生臞脹腹中臞滿不得大便或
大便難或先結後溏皆是也濁氣在上當降而不降



者乃腎肝吸人之陰氣不得下而反在上也胃氣逆上或爲嘔或爲吐或爲噦者是陰火之邪上衝而吸入之氣不得入故食不下也此皆氣衝之火逆胃之脉反上而作者也清氣在下則生殮泄者胃氣未病之日當上行心肺而營經也因飲食失節勞役形體心火乘於土位胃氣弱而下陷於陰中故米穀入而不得升反降而爲殮泄也膈咽之間交通之氣不得表裏者皆衝脉上行逆氣所作也蓋胃病者上支兩脇膈咽不通飲食不下取三里者是也鍼經云清濁

相干亂於胷中是爲大悞悞者惑也氣不交通最爲
急證不急去之諸變生矣聖人治此有要法陽氣不
足陰氣有餘先補其陽後瀉其陰是先令陽氣升發
在陽分而後瀉陰也春夏之月陽氣在經當益其經
脈去其血絡秋冬陽氣降伏當先治其藏府若有噎
有塞塞者五藏之所生陰也血也噎者六府之所生
陽也氣也二者皆由陰中伏陽而作也今立四氣用
藥并治法於後

冬三月陰氣在外陽氣內藏當外助陽氣不得發汗內



消陰火勿令泄瀉此閉藏周密之大要也盛冬乃水
旺之時水旺則金旺子能令母實肺者腎之母皮毛
之陽元本虛弱更以冬月助其令故病者善嚏鼻流
清涕寒甚出濁涕嚏不止比常人大惡風寒小便數
而欠或上飲下便色清而多大便不調夜寒無寐甚
則爲痰咳爲嘔爲噦爲吐爲唾白沫以至口開目瞪
氣不交通欲絕者

吳茱萸丸主之

吳茱萸

草豆蔻仁

各一錢
二分

橘皮

益智仁

人參

黃耆

升麻

各八分

澤瀉

白殭蠶

薑黃

柴胡

各四分

當歸身

炙甘草

各六分 木香

青皮

三分

大麥蘖

一錢五分

半夏

一錢

右件爲細末湯浸蒸餅爲丸如棗豆大細嚼三十丸

白湯送下無時

夏三月大暑陽氣在外陰氣在內以此病而值此時是

天助正氣而挫其邪氣不治而自愈矣然亦有當愈

不愈者蓋陰氣極盛正氣不能伸故耳且如膈咽不

通咽中如梗甚者前證俱作治法當從時利膈丸泄
肺火以黃耆補中湯送下如兩足痿厥行步恇然欬
側欲倒臂膊如折及作痛而無力或氣短氣促而喘
或不足以息以黃耆人參甘草白朮蒼朮澤瀉豬苓
茯苓橘皮等作湯送下滋腎丸一百五十丸六七月
之間濕熱之令大行氣短不能言者加五味子麥門
冬如心下痞膨悶食不下以上件白朮蒼朮等湯送
下消痞丸五七十丸更當審而用之

利膈丸主胸中不利痰嗽喘促脾胃壅滯

木香 七錢

檳榔 七分

厚樸 薑製 二兩

人參

藿香葉

枳實 麩炒

炙甘草

當歸 各二兩

大黃 酒浸焙 秤二兩

右爲細末滴水和丸或少用蒸餅亦可如桐子大每

服三五十九食後諸飲下

消痞丸 治一切心下痞悶及積年久不愈者

黃連 去鬚揀淨 炒六錢

黃芩 刮黃色 六錢 薑黃

白朮 各一兩 人參 四錢

炙甘草 二錢 縮砂仁 三錢

枳實 麩炒黃 橘皮 四錢

乾生薑 二錢 半夏 湯洗 七次



四錢

猪苓 二錢半

麴炒黃色 二錢

一方加澤瀉厚樸 各三錢

右爲極細末湯浸蒸餅爲丸如桐子大每服五七十

丸至百丸白湯送下食後服

黃耆補中湯

黃耆 一錢

人參 八分

炙甘草

白朮

蒼朮

橘皮 各半兩

澤瀉

猪苓

茯苓 各三分

右咬咀都作一服水二盞煎至一盞去滓大溫送下

上件丸藥

本草十劑

宣可以去壅薑橘之屬是也此大畧言之蓋外感六淫之邪欲傳入裏三陰尙實而不受逆邪氣於胃中窒塞不通而或噦或嘔所謂壅也仲景云嘔多雖有陽明證不可攻之況乾噦者乎

三陰者脾也

故單用生薑宣

散必愈若嘔者有聲而有物邪在胃系未深入胃中以生薑橘皮治之或以藿香丁香半夏亦此之類投之必愈此天分氣分虛無處一無所受今乃窒塞仲

景謂膈之上屬上焦悉屬於表或有形質之物因而

越之則可若氣壅則不可

越之者吐也亦無下之理

破氣藥也

辛瀉

氣

若陰虛穢氣逆上窒塞嘔噦不足之病此地道不

通也止當用生地黃當歸桃仁紅花之類和血涼血

潤血兼用甘藥以補其氣微加大黃芒硝以通其閉

大便利邪氣去則氣逆嘔噦自不見矣復有胃中虛

熱穀氣久虛發而爲嘔噦者但得五穀之陰以和之

五穀皆屬陰或食或飲白湯皆止嘔噦

則嘔噦自止且如小兒斑後餘

熱不退痂不收歛大便不行一謂血燥則當以陰藥

